



## **Údarás Craolacháin na hÉireann**

### **Ardoifigeach Feidhmiúcháin (Post Sealadach)**

#### **Fuaim & Fís agus Oibríochtaí**

#### **Tuairisc ar an ról**

Tá folúntas láithreach ag Údarás Craolacháin na hÉireann ar leibhéal Ardoifigigh Feidhmiúcháin (HEO) **le Gaeilge Íofa** ar chonradh téarma sheasta 3 bliana.

D'fhéadfadh sé go mbeadh iarrthóirí atá ag oibriú sa Státseirbhís nó sa tSeirbhís Phoiblí a bhfuil suim acu san fholúntas seo agus ag a bhfuil na cáilíochtaí cuí incháilithe le haghaidh iasachta.

#### **Údarás Craolacháin na hÉireann**

Bunaíodh Údarás Craolacháin na hÉireann (“an tÚdarás”) faoin Acht Craolacháin 2009 (“an tAcht”) ar an 1 Deireadh Fómhair 2009 mar rialtóir neamhspleách le haghaidh craoltóirí raidió agus teilifíse in Éirinn. Leagtar amach san Acht réimse spriocanna ginearálta agus sonracha don Údarás agus sainítear go ndéanfaidh an tÚdarás “iarracht a chinntiú:

- maidir leis an líon agus leis na hearnálacha seirbhísí craolacháin a chuirfear ar fáil sa Stát de bhua an Achta seo gurb iad is fearr a fhreastalóidh ar riachtanais mhuintir oileán na hÉireann, ag cur a dteangacha agus a dtraidisiúin agus a n-éagsúlacht reiligiúin, eitice agus cultúir san áireamh;
- go dtacófar leis an bhfiúchas daonlathach atá cumhdaithe sa Bhunreacht, go háirithe mar a bhaineann leis an tsaoirse cheart tuairimí a nochtadh; agus,
- go soláthrófar seirbhísí craolacháin atá oscailte agus iolraíoch.”

Is iad príomhfheidhmeanna an Údaráis:

- ceadúnais a eisiúint le haghaidh seirbhísí raidió agus teilifíse mar bharr orthu sin a chuireann RTÉ, TG4 agus Cainéal Thithe an Oireachtais
- cóid agus rialacha craolacháin a dhéanamh
- athbhreithniú a dhéanamh ar fheidhmíocht RTÉ agus TG4 i gcomparáid lena spriocanna poiblí bliantúla sonracha agus i dtaca le leordhóthanacht an mhaoinithe poiblí, nó a mhalairt, a chuirtear ar fáil do PSB chun a gcuid spriocanna seirbhísí poiblí a bhaint amach
- maoiniú a sholáthar, agus a bhronnadh, ar chláir agus ar chartlannú a bhaineann le cultúr, oidhreacht agus saol na hÉireann faoin Scéim um Maoiniú Craolacháin
- monatóireacht a dhéanamh ar chraoltóirí agus a gcomhlíonadh a chinntiú le cóid, na rialacha craolacháin agus conarthaí craolacháin

- soláthar agus cinntí a dhéanamh maidir le gearáin ón lucht féachana agus éisteachta maidir le hábhar craolta ar gach seirbhís craolacháin de chuid na hÉireann
- tacú le forbairt na hearnála craolacháin, ag tabhairt taighde agus traenáil san áireamh
- comhthuiscint a chothú agus tacú leis i measc na meán, lena n-áirítear comhoibriú le craoltóirí agus le hoideachasóirí

Tá an tÚdarás comhdhéanta den Bhord (“An tÚdarás”) agus dhá choiste reachtúla - an Coiste um Bronnadh Conarthaí agus an Coiste um Chomhlíonadh. Tacaíonn Feidhmeannach an Údaráis le hobair na heagraíochta.

Bíonn obair an Údaráis á stiúradh ag Oifig an Phríomhfheidhmeannaigh, ina bhfuil Príomhfheidhmeannach agus Leas-Phríomhfheidhmeannach, agus tacaíonn foireann ardbhainisteoirí leis. Déanann na hardbhainisteoirí, i gcomhar le hOifig an Phríomhfheidhmeannaigh, maoirseacht ar fheidmiú straitéise agus ar phleanáil oibre don eagraíocht ina hiomláine chomh maith. Úsáideann an tÚdarás struchtúr mairtise ina n-oibríonn gach ball foirne go solúbtha i nach réimse gnímh de réir riachtanas gnó.

Eisíonn an tÚdarás Ráiteas Straitéis gach trí bliana ina leagtar amach fíis an Údaráis, a mhisean, luachanna, téamaí straitéiseacha agus spriocanna gaolmhara. Tá an straitéis reatha don tréimhse 2017-2019 ar fáil ar shuíomh an Údaráis, [www.bai.ie](http://www.bai.ie)

Is é fíis an Údaráis *tírdhreach meán a bheith in Éirinn a léiríonn agus a mhúnlaíonn muid mar dhaoine*. Is é ráiteas misin an Údaráis:

- *craolachán a rialáil, a chothú agus tacú leis;*
- *iolracht glórtha, dearcthaí, asraonta agus foinsí i meáin shóisialta na hÉireann a chur chun cinn; agus,*
- *ábhar ilghnéitheach agus ábhartha ó thaobh an chultúir de a chothú do lucht féachana agus éisteachta na hÉireann.*

Roinntear obair an Údaráis faoi chúig mhórtéama straitéiseacha i) éagsúlacht agus iolarthacht a chur chun cinn; ii) barr feabhais agus freagracht a bhaint amach; iii) cumarsáid agus dul i bhfeidhm; iv) lucht féachana agus éisteachta a chumhachtú; agus v) cur le nuálaíocht agus inbhuanaitheacht earnála. Tá roinnt spriocanna straitéiseacha gaolmhara ag gabháil le gach téama.

### **Ardoifigeach Feidhmiúcháin in Údarás Craolacháin na hÉireann**

Is ról meánbhainistíochta atá san Ardoifigeach Feidhmiúcháin san Údarás a mbaineann freagrachtaí suntasachta bainistíochta leis. Bítear ag súil go gcuirfidh bainisteoirí go gníomhach le cur i bhfeidhm spriocanna straitéiseacha an Údaráis, chun an eagraíocht a fheabhsú ar bhonn leanúnach mar a bhaineann sé lena héifeacht agus lena héifeachtúlacht agus go léireoidh siad iompraíocht a thagann le cultúr, le luachanna agus le cáil na heagraíochta.

Ag obair taobh istigh den struchtúr mairtise, caithfidh Bainisteoirí a léiriú go bhfuil siad toilteanach acmhainní a úsáid go solúbtha thar raon leathan réimsí oibre, mar a bhaineann sé le scileanna agus taithí an bhainisteora féin agus le scileanna agus taithí na ndaoine atá freagrach dó/di. Chuige sin, teastaíonn cur chuige oibre atá bunaithe ar sholúbthacht, ar chomhoibriú agus ar fhreagracht an duine aonair agus ar chomhfheagracht chomh maith. Teastaíonn Bainisteoirí atá réamhghníomhach ag cuardach eolais agus ag gineadh réiteach chomh maith. Leis an ról seo caitear rannpháirtíocht gníomhach a chur ar bun leis an Údarás agus leis na Coistí Reachtúla.

Ba chóir do Bhainisteoirí a léiriú go bhfuil ar a gcumas tascanna iolracha agus éagsúla a bhainistiú agus easaontacht tosaíochtaí a láimhseáil, ag úsáid tarmligean, tús áite agus seiftiúlacht chúí.

Bítear ag súil go bhfeidhmeoidh Bainisteoirí mar dhea-shamplaí do bhranda Bainistíochta agus Forbartha Feidhmíochta (PMD) an Údaráis agus dea-shampla a thabhairt trí pháirt ghníomhach a ghlacadh i bhforbairt leanúnach na foirne chomh maith le haiseolas a lorg arbh fhéidir leis cur le feabhsú a fheidhmíochta féin. Caithfidh Bainisteoirí idirghníomhú freisin le comhghleacaithe ó thaobh aiseolas a thabhairt ar an bhfoireann chun an próiseas PMD a éascú i gcomhthéacs mairtise.

## **Ról agus Freagrachtaí**

Beidh ar an iarrthóir a n-éiríonn leis/léi díriú go príomha ar chuidiú leis an Údarás i riaradh na Scéime um Maoiniú Craolacháin de chuid an Údaráis (an Scéim Fuaim agus Fís) agus tacú le baint amach dualgais reachtúla agus polasaí eile an Údaráis mar a bhaineann leis an nGaeilge. Is féidir go mbeidh ar an té a cheapfar, ó am go chéile, oibriú i réimsí den eagraíocht nach mbíonn an Ghaeilge ag teastáil iontu.

### *Scéimeanna um Maoiniú Craolacháin*

Is é aidhm Chiste Craolacháin an Údaráis cur le rochtain phoiblí ar chlár ardchaighdeán teilifíse agus raidió i mBéarla agus i nGaeilge agus maoiniú a chur ar fáil le haghaidh cartlannú ábhar clár a dhéantar le craoladh. Gintear an t-airgead do na Scéimeanna trí 7% den ghlan-ioncam ó tháille an cheadúnais teilifíse. Tacaíonn feidhmiú na Scéimeanna leis na spriocanna straitéiseacha seo a leanas faoin téama 'An Éagsúlacht agus an Iolracht a chur chun cinn':

- Léiriú agus infhaighteacht ábhair closamhairc (raidió agus teilifíse) atá ábhartha ar bhonn cultúrtha a mhéadú do lucht féachana na hÉireann;
- Tírdhreach a chothú sna meáin atá ionadaíoch agus inrochtana d'éagsúlacht shochaí na hÉireann; agus
- Clár Ghaeilge d'ardchaighdeán a chothú agus a chur chun cinn.

Is iad na scéimeanna atá á bhfeidhmiú faoin gciste ná Fuaim & Fís 3, a thacaíonn le maoiniú clár agus forálacha cúntacha agus an Scéim um Chartlannú 2, a chuireann maoiniú ar fáil d'fhorbairt chultúr an chartlannaithe in earnáil chraolacháin na hÉireann, a chuireann le caomhnú oidhreachta agus saol craolacháin na hÉireann.

Feidhmítear Fuaim & Fís 3 chun spriocanna sainithe a chomhlíonadh faoi ocht bhfotheideal: 1) caighdeán; 2) cur chun cinn na Gaeilge; 3) breisiócht (ag cur leis an méad clár ábhartha); 4) éagsúlacht; 5) oidhreachta; 6) craolachán áitiúil agus pobail; 7) litearthacht i measc daoine fásta nó litearthacht sna meáin; agus 8) aghaidh a thabhairt ar cheisteanna domhanda a mbíonn tionchar acu ar an Stát.

Is é bunspríoc Fhuaim & Fís 3 “*cur le fáil an phobail ar leibhéal náisiúnta, áitiúil agus pobail ar chlár teilifíse agus craolacháin fuaim ardchaighdeán i mBéarla agus i nGaeilge a bhreathnaíonn ar théamaí ar nós chultúr, oidhreachta agus shaol na hÉireann, i gcomhthéacsanna comhaimseartha nó stairiúla.*” Tá craoltóirí, léiritheoirí neamhspleácha agus lucht féachana/éisteachta tar éis an-bhuntaíste a bhaint as an gciste seo, ag tacú le soláthar ábhair nua closamhairc ar ardchaighdeán, lena n-áirítear ábhar i

nGaeilge. Is féidir tuilleadh eolais faoin scéim maoinithe a fháil ag <https://www.bai.ie/ga/craoltoireacht/maoiniu-forbairt/>

Tiocfaidh scéim chlár Fuaim & Fís 4 i gcomharbacht ar Fhuaim & Fís 3, agus seolfar é sa dara ráithe de 2020.

Is féidir go gcuimseoidh an liosta dualgas:

- Obair Fhuaim agus Fís a phleanáil agus tacú agus cuidiú le baill foirne, spiorad láidir foirne a fhorbairt;
- Iarratais ar mhaoiniú a phróiseáil go tráthúil agus go héifeachtúil;
- Dréachtú conarthaí maoinithe agus leaganacha éagsúla a bhainistiú, go háirithe cinn Ghaeilge;
- Éilimh ar íocaíochtaí deontais a bhainistiú le cinntiú go gcomhlíontar gach coinníoll maoinithe agus go gcuirtear isteach an cháipéisíocht riachtanach ar fad sula dtugtar an maoiniú;
- Comhbhainistiú agus monatóireacht a dhéanamh ar fheidhmíocht na gcistí ar bhonn laethúil le hardchaighdeán rialachais agus chomhlíontachta a chinntiú;
- Ceisteanna próiseála a thagann aníos a bhainistiú agus a láimhseáil, moltaí a dhéanamh agus réitigh a chur i bhfeidhm;
- Tacú le hathbhreithnithe próisis ar bhabhtaí maoinithe agus scéimeanna deontais agus feabhsúcháin a fhorbairt agus a chur i bhfeidhm ar phróisis agus/nó ar chórais a mbeidh bealaí oibre níos éifeachtaí agus níos éifeachtúla mar thoradh orthu;
- Cuidiú le cumadh agus le huasdátú cáipéisíochta tacaíochta le haghaidh babhtaí maoinithe agus scéimeanna deontais;
- Páirt a ghlacadh i ndréachtú tuairiscí ar ghníomhaíochtaí agus ar thorthaí Fhuaim & Fís;
- Comhairle a chur ar pháirtithe leasmhara agus teagmháil a dhéanamh leo agus páirt a ghlacadh in imeachtaí seachtracha ar nós ceardlann, léirithe don earnáil agus seimineáir d'Fhuaim & Fís;
- Cuidiú leis an Údarás in aon ghné dá chuid oibre a bhaineann leis an nGaeilge agus i gcomhlíonadh dualgais reachtúla an Údaráis ó thaobh na Gaeilge de;
- Tuairiscí reachtúla agus Boird a ullmhú agus a chur isteach;
- Gníomhaíochtaí bainistíochta a bhaineann le feidhm Chomhlíontachta an Údaráis.

Ní liosta críochnaitheach é seo agus ní chuirtear ar fáil é ach mar threoir d'iarthóirí le cuidiú leo na cineálacha réimsí gnímh a d'fhéadfadh a bheith faoina gcúram dá n-éireodh leo a mheas.

### **Príomh-Inniúlachtaí**

Feidhmíonn an tÚdarás Creat Inniúlachtaí (féach an Creat Inniúlachtaí iniata - díriú d'aird ar na hinniúlachtaí a liostáiltear faoin gcolún d'Ardoifigeach Feidhmiúcháin). Beifear ag súil go léireoidh iarthóirí bealaí ar fhorbairt siad na hinniúlachtaí seo trí thaithí agus trí fhoghlaim go dtí seo.

Seo a leanas inniúlachtaí an Údaráis:

- Smaointeoireacht Straitéiseach
- Cinnteoireacht
- Réiteach Fadhbanna
- Éifeachtacht le hAcmhainní
- Fócas ar Pháirtithe Leasmhara
- Bainistíocht Daoine
- Cumarsáid Shoiléir

- Obair Foirne
- Solúbthacht
- Foghlaim agus Feabhsú

Chomh maith leis sin, caithfidh **Gaeilge líofa, idir labhairt agus scríobh**, a bheith ag an té a cheapfar. Déanfar an inniúlacht seo a scrúdú mar chuid den phróiseas earcaíochta.

### **Scileanna agus Taithí Riachtanach**

Beifear ag súil:

- Go mbeidh Gaeilge líofa, idir labhairt agus scríobh, ag an iarrthóir;
- Go léireoidh an t-iarrthóir eolas, agus/nó taithí, ar bhainistiú próiseas, lena n-áirítear feabhsú próiseas;
- Go léireoidh an t-iarrthóir cumas anailíse agus smaointeoireachta criticiúla;
- Go léireoidh an t-iarrthóir scileanna láidre pleanála agus eagrúcháin agus cumas tosaíochtaí a leagan síos go héifeachtach agus ualach suntasach oibre a bhainistiú;
- Go léireoidh an t-iarrthóir scileanna forbartha idirphearsanta agus cumas caidrimh a thógáil le go leor páirtithe leasmhara éagsúla agus scileanna idirbheartaíochta agus tionchar a imirt;
- Go léireoidh an t-iarrthóir cumas oibriú as a stuaim féin agus mar chuid d'fhoireann togra chomh maith;
- Go mbeidh ardsbileanna cumarsáide scríofa ag an iarrthóir i raon leathan foirmeacha lena n-áirítear doiciméid pholasaí, comhfhreagrú agus tuairiscí;
- Go mbeidh ardsbileanna cur i láthair ag an iarrthóir;
- Go léireoidh an t-iarrthóir mionchruineas agus go mbeidh dea-theist air/uirthi ó thaobh spriocanna agus aidhmeanna a bhaint amach.

### **Cáilíochtaí, Scileanna agus Taithí Inmhianaithe**

- Tá céim/cáilíocht aitheanta Leibhéal 7 ar a laghad ar an gCreat Náisiúnta Cáilíochtaí i réimse ábhartha thar a bheith inmhianaithe, mar shampla i gcúrsaí gnó, bainistíochta, dlí, airgeadais nó eacnamaíochta;
- Taithí ar bhainistíocht agus ar fhorbairt daoine agus feidhmíochta;
- Taithí ar thimpeallacht ghnóthach oifige;
- Taithí ar obair le hiarrthóirí agus le hiarratais ar mhaoiniú nó ar phróiseas cosúil leis.

**Is fostóir comhdhiseanna an tÚdarás agus chuirfí fáilte roimh iarratais ar an bpost seo ó dhaoine atá faoi mhíchumas.**

### **Téarmaí agus Coinníollacha Tábhachtacha an Phoist**

- Post Sealadach (téarma 3 bliana) (x 1 phost)

Tá an post á thairiscint ar bhonn lánaimseartha, ag obair 37 uair an chloig in aghaidh na seachtaine.

Is ionann grád an phoist agus (Gnáth)-Ghrád Ardoifigeach Feidhmiúcháin na Státseirbhíse. €48,868 is ea an tuarastal tosaigh agus ardaíonn sé go dtí €57,429 (LSI 2) in aghaidh na bliana. Táthar ag súil leis go mbeidh an té a cheapfar ar an gcéad pointe den scála. Iarrthóirí atá ina státseirbhísigh

nó seirbhísigh phoiblí faoi láthair, cuirfear ar áit den scála iad atá i gcomhréir lena bhfad seirbhíse ag an ngrád ábhartha, de réir threoirínte na Roinne Caiteachais Phoiblí agus Athchóirithe.

Ceadaítear 29 lá saoire in aghaidh na bliana.

D'fhéadfadh sé go mbeadh taisteal i gceist anois is arís. Íocfar liúntas taistil agus cothabhála i gcomhréir leis na rátaí seasta a leagann an tAire Caiteachais Phoiblí agus Athchóirithe amach ó am go chéile don tseirbhís phoiblí.

### **Próiseas:**

Iarrtar ar iarrthóirí a curriculum vitae agus litir chumhdach a sheoladh chuig an BAI. Ba chóir a léiriú sa litreacha cumhdaigh, trí thagairtí do rudaí faoi leith a bhain siad amach ina saol gairmiúil go dáta, go bhfuil na tréithe, na scileanna, na hinniúlachtaí agus an t-eolas acu a theastaíonn ón bpost mar Ardoifigeach Feidhmiúcháin mar a leagtar amach sa chur síos seo ar an bpost.

Ba chóir d'iarrthóirí beirt mholtóirí a sholathar. Is é polasaí an BAI dul i dteagmháil le moltóirí nuair atá iarrthóir á meas don phost.

Ba chóir iarratais chomhlánaithe a chur isteach trí ríomhphost chuig: [sowens@bai.ie](mailto:sowens@bai.ie) roimh **12 meán lae ar a dhéanaí ar an Aoine, an 3ú Aibreán**. Ní ghlacfar le haon iarratas i ndiaidh an spriocdháta.